



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCLXXXI. ad annum MCCCXIV.

Parisiis, 1644

Vita Caelestini Papae V.

urn:nbn:de:hbz:466:1-15974

CONCILIVM

ASCHAFFENBURGENSE

PROVINCIALE SVB PRÆSIDIO

Gerardi Moguntini archiepiscopi celebratum anno Domini MCCXCII. post obitum Nicolai papæ quarti, tempore interregni pontificii.

NOTA

Concilium.] De hoc Concilio ita Trichemius in chronico Hirfau-
gienti: Anno præscripto Gerardus archiepiscopus Moguntinus Syno-
dum prouincialem suffraganeis & prelatiis suis in Aschaffenburg ce-
lebrandam indixit, ubi conuenerunt episcopi Eistetensis, Spirensis, Au-
gustensis, Herbipolensis, Bambergensis, Hildesheimensis, & Vormar-
tensis, cum aliis multis abbatibus, præpositis, decanis atque presbyteris,
qui multa & varia in negotiis ecclesiasticis utilia statuerunt.

VITA

CÆLESTINI PAPÆ V.

CÆLESTINVS V. anachoreta, Eferminus, Petrus Mo-
roneus ante dictus, qui in monte Maiella non procul
a Sulmone solitariam vitam agebat, vir sanctissimæ con-
uersationis, a quo Cælestinorum ordo sumpsit initium,
post interregnum biennii & quatuor mensium diuina
tandem ordinatione in papam electus est Nonis Iulii, ano-
no 1294. tempore Adolphi imperatoris: vt Perusium pro-
ficisceretur cardinales suaserant, verum, quia aliam Ca-
roli regis sciebat esse voluntatem, Aquilam se conuertit:
vbi receptus & coronatus est, incredibili hominum fre-
quentia propter rei nouitatem eodem confluyente. Cardina-
les duodecim creauit, homines maximi meriti, inter
quos duo eremita fuerunt. Verum cum & propter one-
ris magnitudinem & rerum inexperientiam parum ido-
neus huic fastigio sibiipso videretur, abdicare se magistra-
tu constituerat. Adeo namque facilis & benignus erat, vt
nihil vnquam vlli petenti recusaret, & quandoque duo-
bus idem annueret. Quod abdicationis consilium tam ve-
hementer vrgebat & promouebat cardinalis Caietanus,

Concil. Tom. 28.

Q999

vt tamen Carolus rex Neapolim secum perduxisset Cælestinum, quo illum de ea sententia dimoueret, ille tandem sexto sui pontificatus mense propria sponte suæ dignitati cederet. Ad solitudinem excusso onere rediens, successoris mandato in arcem Fumonis coniectus est, vbi mœrore animi confectus xiv. Kalendas Iulii obiit. A Clemente V. in sanctorum numerum propter miracula relatus est. *Hæc Platina & Trithemius.* Pergratum fuerit lectori, si quæ de hoc pontifice scriptor huius temporis Eberhardus refert in annalibus anno 1290. hic subiungam. Mortuo, inquit, Nicolao IV. vacauit sedes apostolica propter discordiam cardinaliū plusquam tribus annis, & tandem iidem cardinales, vt creditur, nutu diuino concordauerunt in quemdam virum rectum & religiosum, qui in cella sua per quadraginta annos & amplius sub regula B. Benedicti strenue vixerat, qui electus Cælestinus est vocatus: & cum educeretur e cella, nullum equum tunc & etiam postea ascendere voluit, sed tantum a sellam, exemplo Domini venientis Hierosolymam, equitauit. In via etiam transeundo Dominus per eum multa miracula fecit; qui licet miræ sanctitatis existeret, tamen adeo simplex erat, quod petentibus concedenda & non concedenda concessit. Et cum consideraret quod consuetum silentium & abstinentiam, quæ in claustro seruauerat, propter intolerabilem rerum curam tenere non potuit in papatu, renuntiare eidem præsulatui cogitauit: & cum sapientum esset opinio, quod papa non posset cedere, talem constitutionem edidit, quod papæ possint cedere tam præsens quam futuri; dicens quod de plenitudine potestatis eandem constitutionem facere bene posset. Qua facta, statim cessit, & electus est post ipsum Benedictus cardinalis, qui vocatus est Bonifacius, qui statim post creationem suam omnes gratias & concessiones, quas prædecessor suus fecerat, reuocauit: & omnis populus propter euidentem sanctitatem prædictum Cælestinum libenter habuisset pro papa, sed dominus Bonifacius ipsum recludit, ne schisma fieret, si a populo raperetur. Post autem duos annos idem Cælestinus mortuus est, & dicitur quod Dominus per eum multa miracula operetur, & sepultus est in monasterio sancti Antonii Ferentini.